



მუხატა და გლახთა მთავრობის

კანონთა და განკარგულებათა კრებული

სახალხო კომისარიათა საბჭოს და ეკონომიური საბჭოს
საქმეთა მმართველობის გამოცემა

1932 წ. ივლისის 20.

№ 15

ნაწილი პირველი

შ ი ნ ა ა რ ს ი

სასამართლო წყობილება და სამართლის წარმოება.

125. სარეწაო კოოპერატიულ ამხანაგობებში (არტელებში) საწარმოო-საამხანაგო სასამართლოების მოწყობის შესახებ.

126. იმ დოკუმენტების შესახებ, რომლებითაც გადახდევინება სწარმოებს სანოტარო ორგანოების სააღსრულებო წარწერების თანახმად.

125. დადგენილება ც.ა.კ. და ს.კ.ს.

სარეწაო კოოპერატიულ ამხანაგობებში (არტელებში) საწარმოო-საამხანაგო სასამართლოების მოწყობის შესახებ.

რათა სარეწაო კოოპერატიული ამხანაგობების (არტელების) წევრთა ფართო მასა, საზოგადოებრივი თვითმკმედების ნიადაგზე უფრო მეტად ჩაებას იმ ბრძოლაში, რომელიც მიმართულია წინააღმდეგ შრომის დისციპლინის დარღვევისა, სარეწაო კოოპერაციის წარმოების დეზორგანიზატორებისა და აგრეთვე სამართლის იმ მცირე დარღვევებისა, რაც ძველ ყოფ-ცხოვრების ნაშთს წარმოადგენს, სრულიად საქართველოს ცენტრალური აღმასრულებელი კომიტეტი და საქართველოს სსრ-ის სახალხო კომისარიათა საბჭო ადგენენ:

1. ყველა სარეწაო კოოპერატიულ ამხანაგობაში (არტელში), აკეთებს იგი სამუშაოს თავის საწარმოში და საერთო სახელოსნოში, თუ აერთიანებს თავის წევრებს, რომელნიც სახლში მუშაობენ, მოეწყობა საწარმოო-საამხანაგო სასამართლო, უკეთუ ამხანაგობაში (არტელში) ირიცხება არა ნაკლებ 30 წევრისა.

შენიშვნა 1. ისეთ ამხანაგობაში (არტელში) აღძრული საქმის განხილვისათვის, რომლის შედგენილობაშიაც შედის 30 წევრზე ნაკლები, შეიძლება მოეწყოს გაერთიანებული საწარმოო-საამხანაგო სასამართლო

რამდენიმე ასეთი ამხანაგობისა და არტელისათვის მომსახურეობის ვასა წვედად.

შენიშვნა 2. იმ ამხანაგობას (არტელს), რომელსაც რამდენიმე საწარმო აქვს სხვა და სხვა ადგილას (ქალაქად, სოფლად), თვითეულ ამ საწარმოში 30-ზე არა ნაკლებ მომუშავე წევრით, შეუძლიან მოაწყოს საწარმოო-საამხანაგო სასამართლო თვითეულ ასეთ საწარმოში.

2. საწარმოო-საამხანაგო სასამართლო აირჩევა ამხანაგობის (არტელის) დამკვერელ წევრთა და მოსამსახურეთაგან ამხანაგობის (არტელის) საერთო კრებაზე (რწმუნებულთა კრებაზე), რომელშიაც ამხანაგობის მოსამსახურენიც იღებენ მონაწილეობას, საწარმოო-საამხანაგო სასამართლოს თავმჯდომარისა, ერთი ან ორი მისი მოადგილისა და წევრთა შემდეგი რიცხვის შედგენილობით: როდესაც ამხანაგობაში (არტელში) 100 კაცზე მეტია—არა ნაკლებ 10 წევრისა, ხოლო უკეთუ ამხანაგობაში (არტელში) 100 კაცია ან ამაზე ნაკლები—არა ნაკლებ 3 წევრისა. სასამართლოს წევრთა რიცხვს დაადგენს ამხანაგობის (არტელის) საერთო კრება (რწმუნებულთა კრება).

საწარმოო-საამხანაგო სასამართლო აირჩევა ვადით ერთ წლამდე. იმ სარეწაო კოოპერატიულ კავშირს, რომლის შედგენილობაშიაც შედის საწარმოო-საამხანაგო სასამართლოს მომწყობი სარეწაო ამხანაგობა (არტელი), აქვს არჩეული სასამართლოს შედგენილობის გადაცემის უფლება მთლად ან ცალკეული წევრისა.

ამომრჩეველთ შეუძლიანთ ვადამდე უკანვე გაიწვიონ საწარმოო-საამხანაგო სასამართლოს თავმჯდომარე, მისი მოადგილე და წევრები, უკეთუ მათ არ გაამართლეს ამომრჩეველთა ნდობა.

შენიშვნა. საწარმოო-საამხანაგო სასამართლოს თავმჯდომარე, მისი მოადგილე და წევრები ამ სასამართლოში მუშაობისათვის გასამრჯელოს არ იღებენ.

3. საწარმოო-საამხანაგო სასამართლო, მისთვის დაკისრებული ამოცანების შესაბამისად, განიხილავს საქმეს:

ა) შრომის დისციპლინის დარღვევის შესახებ, როგორც არის: მუშაობის გაცდენა, არა ერთხელ სამუშაოზე დაგვიანებუ, სამუშაოზე მთვრალად მისვლა და სხვა მისთ;

ბ) კოოპერატიული ქონებისადმი (მანქანა, ინსტრუმენტი, მასალა, სადგომი და სხვა მისთ.) სისტემატიური დაუდევრობით მოპყრობის შესახებ;

გ) ზღვრულ ნორმაზე გადამეტებით წუნდასადები პროდუქციის დამზადების შესახებ;

დ) ამხანაგობის (არტელის) როგორც სახლში, ისე საერთო სახელოსნოში მომუშავე წევრებისათვის დაწესებული საწარმოო ნორმების შეუსრულებლობის შესახებ;

ე) სიტყვით, წერილობით ან მოქმედებით შეურაცხყოფისა, ტყუილი გამაფხილებელი ცნობების გავრცელებისა და სხეულის დაუზიანებლად ცემის შესახებ;

ვ) უბრალო ქურდობის შესახებ, ე. ი. საწარმოს ან ორგანიზაციის ტერიტორიაზე ამხანაგობის (არტელის) წევრისა თუ მოსამსახურისათვის რისამე მოპარვა ან ამხანაგობის (არტელის) მასალისა თუ იარაღის მოპარვა, უკეთეს ნაქურდალის ღირებულება 50 მან. არ აღემატება;

ზ) უბრალო ხულიგნობის შესახებ, ე. ი. თავაშვებული, საზოგადოებისადმი აშკარა უპატივცემლობასთან დაკავშირებული მოქმედება ან სხვა, საზოგადოებრივი კოლექტივის პირობების შეუსაბამო საქციელი, რაც გამოსახავს ყოფა-ცხოვრების უარყოფითს მხარეს;

თ) ქონებრივი დავის შესახებ, უკეთეს თანხა 50 მან. არ აღემატება.

4. საწარმოო-საამხანაგო სასამართლო განიხილავს მე-3 მუხლში აღნიშნულ საქმეებს:

ა) როდესაც მხარენი ამ საქმეებში ერთი და იმავე სარეწაო კოოპერატიული ამხანაგობის (არტელის) წევრნი ან მოსამსახურენი არიან ან და მათი ოჯახის წევრნი;

ბ) როდესაც მხარენი ამ საქმეებში სხვადასხვა სარეწაო კოოპერატიულ ამხანაგობათა (არტელთა) წევრნი ან მოსამსახურენი არიან ისეთ ქალაქსა თუ მის რაიონში, სადაც მოწყობილია საწარმოო-საამხანაგო სასამართლო;

გ) როდესაც სარჩელი არა უმეტეს, ვიდრე 50 მან. თანხის შესახებ მიმართულია ამხანაგობის (არტელის) ცალკეული წევრისა თუ მოსამსახურის წინააღმდეგ როგორც მისივე საწარმოს ადმინისტრაციის ან საზოგადოებრივი ორგანიზაციის მიერ, ისე სხვა ისეთი ამხანაგობის (არტელის) ადმინისტრაციისა თუ ორგანიზაციის მიერ, რომლის გამგეობაც იმყოფება იმ ქალაქის ან რაიონის ტერიტორიაზე, სადაც მოწყობილია ეს ამხანაგობა (არტელი).

5. საწარმოო-საამხანაგო სასამართლომ არ უნდა განიხილოს:

ა) საქმე, რომელიც შეიძლება აღიძრას ამხანაგობაში (არტელში) ერთის მხრით—ამხანაგობის (არტელის) წევრსა თუ მოსამსახურეს და მეორე მხრით—საადმინისტრაციო-საატექნიკო პერსონალის პირს შორის ისეთი ურთიერთობის შესახებ, რაც უშუალოდ გამომდინარეობს მათი მუშაობიდან საწარმოში, და აგრეთვე ამხანაგობაში (არტელში) მომუშავე ხელქვეითისა და ზემდგომი თანამდებობის პირს შორის;

ბ) საქმე ალიმენტისა და შრომის სარჩელის შესახებ.

მე-3 მუხლის „ა“, „ბ“, „გ“ და „დ“ პუნქტებში გათვალისწინებული საქმეები, აგრეთვე საქმეები ამხანაგობის (არტელის) მასალისა და ინსტრუმენტების მოპარვის შესახებ საწარმოო-საამხანაგო სასამართლომ უნდა განიხილოს მხოლოდ ისეთ შემთხვევაში, როდესაც ადმინისტრაცია თვით გადასცემს საქმეს საწარმოო-საამხანაგო სასამართლოს, ან როდესაც იგი წინააღმდეგი არ არის, რომ ამხანაგობის (არტელის) საზოგადოებრივი ორგანიზაციისა თუ წევრის ან მოსამსახურის მიერ აღძრული საქმე საწარმოო-საამხანაგო სასამართლომ განიხილოს.

უკეთეს საწარმოო-საამხანაგო სასამართლო სცნობს, რომ მის მიერ მიღებული საქმე მას არ ექვემდებარება ან, თუნდაც ექვემდებარებოდეს, იგი თავისი ხასიათით რთულია ან საჭიროებს, რომ მართლწესრიგის დამრღვევს შეეფარდოს უფრო სასტიკი საზედმოქმედო ღონისძიება, ვიდრე ეს ამა დადგენილების მიხედვით შეიძლება, იგი საქმეს სათანადო სახალხო სასამართლოს გადასცემს ქვემდებარეობის საერთო წესისამებრ განსახილველად.

6. საწარმოო საამხანაგო სასამართლოში საქმე შეიძლება აღიძრას დაინტერესებული პირის ან საზოგადოებრივი ორგანიზაციის როგორც სიტყვიერი, ისე წერილობითი განცხადებით.

7. საქმეს განიხილავს იმ ამხანაგობის (არტელის) საწარმოო-საამხანაგო სასამართლო, სადაც მუშაობს მოპასუხე ან მცირე დანაშაულის ჩამდენი პირი.

8. უკეთეს მცირე დანაშაულის ჩამდენი პირის მოქმედებას, გარდა იმ მცირე დანაშაულისა, რაც საწარმოო-საამხანაგო სასამართლოს ექვემდებარება, აქვს აგრეთვე სხვა რაიმე დანაშაულის ნიშნები, მთელი საქმე განსახილველად უნდა გადაეცეს სათანადო სახალხო სასამართლოს.

9. საწარმოო-საამხანაგო სასამართლოს მუშაობა შეზღუდული არ არის სამართლის წარმოების არავითარი ფორმალური წესებით, გარდა იმ წესებისა, რაც ამა დადგენილებაშია. სამართლის წარმოება საწარმოო-საამხანაგო სასამართლოში განთავისუფლებულია ყოველგვარი ფულადი და სხვა გამოსაღებისაგან.

10. საქმეს საწარმოო-საამხანაგო სასამართლო განიხილავს კარ-ლია სხდომაზე სასამართლოს თავმჯდომარის ან მისი მოადგილისა და ორი წევრის შედგენილობით; წევრები მიიწვევიან რიგრიგობით. სხდომის დღეს და საათებს საწარმოო-საამხანაგო სასამართლო დანიშნავს ისეთი ვარაუდით, რომ სასამართლოში მონაწილე პირნი არ მოსცდნენ წარმოებაზე მუშაობას.

საქმე საწარმოო საამხანაგო სასამართლოში განხილულ უნდა იქნეს არა უგვიანეს ხუთი დღისა განცხადების მიღების დღიდან.

ტექნიკურ მომსახურებას საწარმოო-საამხანაგო სასამართლოს გაუწევს ამხანაგობის (არტელის) აპარატი.

11. მხარეებს შეუძლიანთ მოითხოვონ დასაბუთებით საწარმოო-საამხანაგო სასამართლოს მთელი შედგენილობის ან ცალკეული წევრების გადგინება საქმის განხილვაში მონაწილეობისაგან.

12. საწარმოო-საამხანაგო სასამართლო მოვალეა დაიბაროს საქმის განხილვისათვის მომჩივანი, მოპასუხე ან მცირე დანაშაულის ჩამდენი, მოისმინოს მათი ახსნა განმარტება, დაჰკითხოს, უკეთეს საჭიროა, მოწმეებს, მოახდინოს ადგილობრივი დათვალიერება და იხმაროს ღონისძიებანი საქმის სრული და ყოველმხრივი გამორკვევისათვის.

საქმეზე დადგენილების გამოტანამდე საწარმოო-საამხანაგო სასამართლოს შეუძლიან გამართოს (არტელის) ამხანაგობის დამსწრე წევრთა და მოსამსახურეთა შორის აზრთა გაცვლა-გამოცვლა.

უკეთეს საქმეში მონაწილე პირები, მიიღებენ რა შეტყობინებას, სასამართლოში არ გამოცხადდებიან, საქმე შეიძლება ან გადაიდოს გამოუცხადებელ პირთა დასაბარებლად, ან განხილულ იქნეს სასამართლოს მიერ უიმიზოდ, ანდა მოისპოს.

13. საწარმოო-საამხანაგო სასამართლოს დადგენილება მიიღება სასამართლოს შედგენილობის ხმის უმეტესობით, იწერება მოკლედ და გამოცხადდება მონაწილე პირთ საჯაროდ.

14. მცირე დანაშაულის ჩამდენ პირს საწარმოო-საამხანაგო სასამართლოს შეუძლიან შეუფარდოს შემდეგი საზედმოქმედო ღონისძიება:

ა) გაფრთხილება;

ბ) საზოგადოებრივი გაკიცხვა კედლის გაზეთში თუ საერთო პრესაში გამოქვეყნებით ან გამოუქვეყნებლად, ან და შავ დაფაზე აღნიშვნით;

გ) ჯარიმა არა უმეტეს 10 მანეთისა საზოგადოებრივი ორგანიზაციის სასარგებლოდ (ავიაქიმისა და სხვა მისთ.);

დ) მიყენებული ქონებრივი ზიანის ანაზღაურების მოვალეობის დაკისრება არა უმეტეს 50 მან. რაოდენობისა;

ე) საერთო კრების (რწმუნებულთა კრების) წინაშე ამხანაგობის (არტელის) წევრთა რიცხვიდან, ამხანაგობის (არტელის) წესდებაში აღნიშნული მოტივების მიხედვით, გამორიცხვის საკითხის აღძვრა, ხოლო ამხანაგობის (არტელის) მოსამსახურის მიმართ—ადმინისტრაციის წინაშე, შრომის კანონთა კოდექსით დადგენილი მოტივებით, დათხოვნის საკითხის აღძვრა;

ვ) მოსამსახურის მიმართ სათანადო პროფესიონალური ორგანიზაციის წინაშე პროფესიონალური კავშირიდან გამორიცხვის საკითხის აღძვრა;

ზ) მომარაგების მაღალი ჯგუფიდან დაბალ ჯგუფში გადაყვანა ვადით არა უმეტეს 3 თვისა.

შენიშვნა. „დ“ პუნქტში აღნიშნული საზედმოქმედო ღონისძიების

გადაწყვეტა სასამართლოს შეუძლიან დამატებითი საზედმოქმედო ღონისძიების სახითაც.

15. საწარმოო-საამხანაგო სასამართლოს დადგენილება საბოლოოა, არ განისაჩივრება და დაუყოვნებლივ უნდა იქნეს აღსრულებული.

16. უკეთეს საწარმოო-საამხანაგო სასამართლოს დადგენილების ის ნაწილი, რაც ჯარიმისა და სხვა ფულად გადასახდელს ეხება, შესრულებულ არ იქნა ნებაყოფლობით, ამ გადასახდელს ამხანაგობის (არტელის) წევრს თუ მოსამსახურეს გადაახდევინებს ამხანაგობის (არტელის) ადმინისტრაცია სამუშაო ხელფასიდან, საქართველოს სსრ სამოქალაქო სამართლის საპროცესო კოდექსის წესების დაცვით; ამასთანავე საწარმოო-საამხანაგო სასამართლოს უფლება აქვს ჯარიმისა თუ სხვა ფულადი გადასახდელის გადახდის ვადა გაანაწილოს.

17. საწარმოო-საამხანაგო სასამართლოს მოქმედებას ზედამხედველობას უწევს სახალხო სასამართლო და პროკურატურა. უკეთეს სახალხო მოსამართლე, დამოუკიდებლად ან პროკურორის პროტესტის მიხედვით აღმოაჩენს საწარმოო-

საამხანაგო სასამართლოში ამ სასამართლოს არაქვემდებარე საქმეს, ან შენიშნავს მის დადგენილებაში კომპეტენციის გადამეტებას, ან და კანონის არსებითს დარღვევას, იგი შეაჩერებს ამ დადგენილების აღსრულებას, ჩამოართმევს მას საქმეს და მიიღებს თავისდა განსახილველად.

18. საწარმოო საამხანაგო სასამართლოს ხელმძღვანელობას უწევენ საქართველოს სსრ უზენაესი სასამართლო და სრულიად საქართველოს სარეწაო კოოპერაციის კავშირი (სარეწაო კავშირი).

სრ. საქ. ც. ა. კ-ის თავმჯდომარე ფ. მახარაძე.

საქ. სსრ ს. კ. ს-ოს თავმჯდომარის მოადგ. მ. ტოროშელიძე.

სრ. საქ. ც. ა. კ-ის მდივნის მ. დ. ა. გ. შაბანოვი.

1932 წ. აპრილის 13.

ტფილისი.

126. დადგენილება ს.კ.ს.

იმ დოკუმენტების შესახებ, რომლებშიაც გადახდევინება სწარმოებს ხანოტარო ორგანოების სააღსრულებო წარწერების თანახმად.

სახელმწიფო ნოტარიატის დებულების 46 მუხლის თანახმად (სსსრ კან. კრ. 1932 წ. (13 №-ი, მუხ. 115) საქართველოს სსრ სახალხო კომისართა საბჭო ადგენს:

სანოტარო კონტორები და მათი მონაცვლე ორგანოები (სახელმწიფო ნოტარიატის დებულების 1-ლი მუხლი—სსსრ კან. კრ. 1928 წ. მე-16 №-ი, მუხ. 157) გაუკეთებენ სააღსრულებო წარწერებს შემდეგ დოკუმენტებს:

ა. ფულის გადასახდევინებლად:

1) შრომის და კოლექტიურ ხელშეკრულებას, სამუშაო ხელფასის ანგარიშგასწორების წიგნაკს და პროფესიონალურ კავშირში შესატანი გადასახადის ანგარიშგასწორების წიგნაკს—ამ გადასახადის თაობაზე ხელშეკრულებაში შეტანილი დამჭირავებლის ვალდებულების თანახმად;

2) საქორწინო, საოჯახო და სამეურნეო კანონთა კოდექსით გათვალისწინებული წესისამებრ დადებულ შეთანხმებას ბავშვებისა და მეუღლის შესანახის რაოდენობის შესახებ;

3) ნაციონალიზებულ და მუნიციპალიზებულ სახლში დაქვრილი ბინის ქირის ანგარიშს, როდესაც შეტანის ვადა გადაცილებულია 15 დღეს და არ არსებობს სასამართლო დაეა ბინის ქირის რაოდენობის შესახებ, განცხადებული 10 დღის განმავლობაში დღიდან ანგარიშის წარდგენისა. და უკეთუ: ა) ბინის ქირის ანგარიში წარდგენილია დამჭირავებლის ხელწერილით, რომ მას ანგარიში გამოეცხადა, ან სახლის სამოურაოს აღნიშვნით, რომ დამჭირავებელმა უარი სთქვა ამ ხელწერილის მიცემაზე; ბ) მდგმურს ეცნობა სახლის სამოურაოს გან-

ცხადება და გ) მდგმურმა ორი დღის განმავლობაში დღიდან შეტყობინებისა და წარადგინა ცნობა, რომ დადგენილ ვადაზე სასამართლოში აღძრულია დავა ბინის ქირის რაოდენობის წინააღმდეგ;

4) წყლისა, კანალიზაციისა, ელექტრონის ენერჯისა და ეზოდან ნაგვის გატანის სასყიდლის ანგარიშს, როდესაც ასეთი სასყიდლის შეტანის ვადა გადაცილებულია;

5) სახელმწიფო დაზღვევის ორგანოს დოკუმენტს სავალდებულო არასავანაკეთო დაზღვევის სადაზღვევო პრემიის გადახდევინების შესახებ;

6) პროფესიონალურ კავშირთა საურთიერთო დახმარების სალაროს და სარეწაო კოოპერაციის საურთიერთო დახმარების სალაროს მიერ გაცემული სესხით დავალიანების დოკუმენტს;

7) ისეთ დისპაშს, რომელიც დამთავრებულია და დავა განუცხადებელი — სსრკ-ის სავაქრო საზღვაო ნაოსნობის კოდექსის მე-VIII დანართის („დისპაშერებისა, დისპაშების შედგენის წესისა და საზღვაო პროტესტების შესახებ“) მე-13 მუხლში აღნიშნულ ვადაზე (სსრკ კან. კრ. 1929 წ. 41 №-ი, მუხ. 366);

8) ისეთ დოკუმენტს, რომლითაც მტკიცდება გადასახდელის შეტანის ვადის გადაცილება საკრედიტო დაწესებულებათა საკრედიტო ოპერაციების ხაზით;

9) აღმასრულებელი კომიტეტისა და საქალაქო საბჭოს გამგებლობის სამკურნალოს ანგარიშს მკურნალობის სასყიდლის თაობაზე;

10) სახლის წყალთა საკონტროლო კომისიის ოქმს წყლის სასყიდლის რაოდენობის შესახებ;

11) იმ დოკუმენტს, რომლითაც მტკიცდება, რომ კონტრაქტანტის და დამმზადებელი ორგანიზაციის მიერ დასაბრუნებელი ავანსის დაბრუნების ვადა გადაცილებულია, უკეთუ სათანადო ორგანიზაციის გამგეობა წარადგენს: ა) კონტრაქტაციის დედან ხელშეკრულებას; ბ) კონტრაქტანტის პირადი ანგარიშის ამონაწერს და გ) ასლს გამგეობის დადგენილებისას გადახდევინების პრეტენზიის სააღსრულებო წარწერის წესით წარმართვის შესახებ;

12) ისეთ დოკუმენტს, რომელიც გაცემულია იმის დასამტკიცებლად, რომ დამქირავებელზე ირიცხება დაქირავებულის სამუშაო ხელსფასის დავალიანება, უკეთუ დოკუმენტი გაცემულია შრომის ინსპექტორის თანადასწრებით და მის მიერ დამოწმებული;

13) გასანაღებლად წარდგენილ ჩეკს, რომლის გაუნაღებლობაც დადასტურებულია გადახდელის ან ანგარიშგამსწორებელი დაწესებულების მიერ სათანადო წარწერით;

14) საბაზრო კომიტეტის ოქმს, რომლითაც მტკიცდება, რომ ბაზარზე მოვაკრე პირი დავალიანებულია კომიტეტის გამოსაღებით;

15) ისეთს დოკუმენტს, რომლითაც მტკიცდება, რომ სახელმწიფო ორგანოსაგან ან კოოპერატიული და საზოგადოებრივი ორგანიზაციისაგან მიღებული სამუშაო ხელფასის ანგარიშში მუშაობით გაუნაღებელი ავანსი, საგზაო ფული სამუშაო ადგილას წასვლისათვის და სპეცტანისამოსი იმ მუშისა, მოსამსახურისა

და არტლის დაქირავებული წვერის მიერ, რომელიც არ შესდგომია მუშაობას თუ წასულა სამუშაოდან მუშაობით ავანსის განაღდებად, ან დაქირავების ვადის გასვლამდე, ან და ხელშეკრულებით შეპირებული დავალების შესრულებამდე, უკეთუ წარდგენილ იქნება: ა) მომუშავესთან დადებული დედანი ხელშეკრულება თუ ანგარიშგასწორების წიგნაკი; ბ) მომუშავეს ხელწერილი გადასახდევინებელი თანხის მიღებაზე; გ) დამქირავებლის წერილობითი ცნობა სამუშაოზე დაქირავებისა, მუშაობაში გატარებული დროისა, გადახდილი და ხვედრი სამუშაო ხელფასის შესახებ;

16) ისეთ დოკუმენტს, რომლითაც მტკიცდება, რომ სახელმწიფო ორგანოს, კოოპერატიული და საზოგადოებრივი ორგანიზაციის მომუშავეზე, მისი დათხოვნისას, დარჩა დავალიანება იმის შემდეგ, რაც მას ადმინისტრაციამ, შრომის კანონთა კოდექსის თანახმად, დაუქირა თანხა სამუშაო ხელფასიდან საწარმოს და დაწესებულების ქონების (სპეცტანსამოსი, ინსტრუმენტი, საზომო ხელსაწყო და სხვა მისთ.) მითვისებისა, დაკარგვისა თუ გაფუჭებისათვის, უკეთუ წარდგენილ იქნება: ა) შემფასებელ-საკონფლიქტო კომისიის გადაწყვეტილება მომუშავეისათვის პასუხისმგებლობის დაკისრების შესახებ სახმარებლად მიცემული ქონების მითვისებისა, დაკარგვისა და გაფუჭების გამო; ბ) დამქირავებლის წერილობითი ცნობა იმ თანხის შესახებ, რაც მომუშავეის სამუშაო ხელფასიდან ადმინისტრაციის მიერ დაქერილია მისთვის დაკისრებული თანხის დასაფარავად;

17) სამხედრო ნაწილიდან და დაწესებულებიდან დათხოვნილი სამხედრო მსახურისა და სამხედრო ვალდებულის ვალდებულებას მის მიერ სახელმწიფო ქონების ჩაუბარებლობის გამო;

18) განსაზოგადოებული სექტორის დაწესებულებისა, საწარმოს და ორგანიზაციის მოთხოვნის დოკუმენტს მის მყიდველებთან ანგარიშის გასწორების თაობაზე, რასაც იგი ბანკების მეშვეობით აწარმოებს: ა) მომსახურების გაწევისათვის და აგრეთვე სამუშაოს შესრულებისათვის ისეთი გაუნაღდებელი ანგარიშით გადახდევინების შესახებ, რომლისთვისაც დადგენილია უაქცეპტო ანგარიშგასწორება; ბ) მომსახურების გაწევისათვის ნააქცეპტევი, ხოლო კრედიტის უქონლობის გამო გაუნაღდებელი ანგარიშით გადახდევინების შესახებ; გ) იმ გამოყენებული საქონლის ღირებულების გადახდევინების შესახებ, რომლის ფასიც გადახდილი არ არის და რომელიც ჩაბარებული იყო პასუხისგებითი შენახვის წესით; დ) იმ საქონლის ღირებულების გადახდევინების შესახებ, რომელიც გადაცემულ იქნა შრომისა და თავდაცვის საბჭოს 1931 წ. ივნისის 16-ის თარიღისა და 248 №-ის დადგენილების მე-3 მუხლის წესისამებრ, ხოლო რომლის ფასიც გადახდილი არ იქნა გადაცემის დროს შეპირებულ ვადაზე (სსრკ კან. კრ. 1931 წ. მე-40 №-ი, მუხ. 282), უკეთუ წარდგენილ იქნება: 1) „ა“ ქვეუნიქტით გათვალისწინებულ შემთხვევაში: ანგარიში; გამყიდველ-მიმწოდებლის ფაქტურა; ცნობა იმ ბანკისა, სადაც გადამხდელის კონტოკორენტია, ბანკში ანგარიშის მიღების დროისა და კონტოკორენტიდან გაუნაღდებლობის შესახებ; გა-

დამხდელის ხელწერილი ანგარიშ-ფაქტურის მიღების თაობაზე, ხოლო ხელშეკრულებით ანგარიშგასწორებისათვის—აგრეთვე დედანი ხელშეკრულება;

2) „გ“ ქვეპუნქტით გათვალისწინებულ შემთხვევაში: გამყიდველ-მიმწოდებლის ანგარიშ-ფაქტურა წარწერით ან ბანკის ცნობით აქცეპტის შესახებ ან და იმ ბანკის ცნობით, სადაც გადამხდელის კონტოკორენცია, რომ დადგენილ ვადაზე არ შესულა განცხადება აქცეპტზე უარის თქმის შესახებ; ბანკის ცნობა, რომ ეს ანგარიშ-ფაქტურა განაღდებული არ არის გადამხდელის კონტოკორენტიდან კრედიტის უქონლობის გამო; 3) „გ“ ქვეპუნქტით გათვალისწინებულ შემთხვევაში: გამყიდველ-მიმწოდებლის ანგარიშ-ფაქტურა; სატრანსპორტო საწარმოს ცნობა მყიდველისათვის საქონლის ჩაბარების შესახებ; იმ ბანკის ცნობა, სადაც გადამხდელის კონტოკორენცია, რომ ეს ანგარიში განაღდებული არ არის გადამხდელის კონტოკორენტიდან; ბანკის ცნობა, რომ მან გამყიდველ-მიმწოდებლის სახელით მოთხოვნა გადამხდელს დაებრუნებინა ან გადაეგზავნა საქონელი და რომ ეს მოთხოვნა ბანკის მიერ დანიშნულ ვადაზე მყიდველმა არ შეასრულა;

4) „დ“ ქვეპუნქტით გათვალისწინებულ შემთხვევაში: გამყიდველ-მიმწოდებლის ანგარიშ-ფაქტურა გადამხდელის წარწერით აქცეპტის შესახებ; იმ ბანკის ცნობა, სადაც გადამხდელის კონტოკორენცია, რომ ეს ანგარიშ-ფაქტურა განაღდებული არ არის მისი კონტოკორენტიდან, და გამყიდველ-მიმწოდებლის და გადამხდელს შეთანხმება საქონლის გადაცემისა და განსაზღვრულ ვადაზე განაღდების შესახებ;

19) ქალაქებსა, საკურორტო ადგილებსა და მუშათა დაბებში სავალდებულო სადერატოზაციაო სამუშაოების მწარმოებელი ორგანიზაციის ანგარიშს, რომელიც განაღდებული არ არის სადგომისა თუ ეზოს მფლობელის მიერ;

20) კომუნალური მეურნეობის ორგანოს ანგარიშს: ა) ისეთი ხიდებისა და ტროტუარების შეკეთებისათვის, რაც დაქცეულ იქნა ქუჩებში მიწის სამუშაოების წარმოების დროს; ბ) სამშენებლო სამუშაოების წარმოების დროს; აჩხორილი და განაგვიანებული ქუჩების გაწმენდისათვის; გ) სახლმფლობელობის გვერდით მდებარე ტროტუარებისა და ილუმინატორების რემონტისათვის, როდესაც ვადა გადაცილებულია 10 დღეს სათანადო ორგანიზაციის თუ პირის მიერ განაღდების მოთხოვნის დღიდან, უკეთეს წარდგენილ იქნება: ა) გაუნაღდებელი ანგარიში; ბ) ასლი გადამხდელისათვის წინასწარ წერილობით შეტყობინებისა—ანგარიშის თანახმად ფულის შეტანის შესახებ, გადამხდელის ხელწერილით, რომ მან მიიღო ეს შეტყობინება, ან კომუნალური მეურნეობის სათანადო ორგანოს აღნიშვნით, რომ გადამხდელმა უარი სთქვა აღნიშნული ხელწერალის მიცემაზე;

21) კომუნალური მეურნეობის ორგანოს ანგარიშს დარაბის საიჯარო ქირის გადახდის შესახებ, როდესაც ვადა გადაცილებულია 10 დღეს გადახდის მოთხოვნის დღიდან; ამასთანავე საალსრულებო წარწერის გაკეთებისათვის წარიღგინება: ა) გაუნაღდებელი ანგარიში და ბ) ასლი მოიჯარისათვის წინასწარ წერილობით შეტყობინებისა საიჯარო ქირის შეტანის შესახებ, გადამხდელის

ხელწერილით, რომ მან მიიღო ეს შეტყობინება, ან კომუნალური მეურნეობის სათანადო ორგანოს აღნიშვნით, რომ გადახდელმა უარი სთქვა აღნიშნული ხელწერილის მიცემაზე.

ბ. სანოტარო წესით დამოწმებულ გარიგებას ფულის გადახდევინებისა ან ქონების დაბრუნებისა და გადაცემისათვის.

ბ. განცხადებას ნაციონალიზებულ და მუნიციპალიზებულ სახლში საცხოვრებელი სადგომის ისეთი დამქირავებლის გამოსახლების შესახებ, რომელიც არა შრომის შემოსავლით ცხოვრობს, როდესაც ვადა გადაცილებულია 15 დღეს და არ არსებობს სასამართლო დავა ბინის ქირის რაოდენობის შესახებ, განცხადებული 10 დღის განმავლობაში დღიდან ანგარიშის წარდგენისა, და უკეთუ: ა) წარდგენილია ბინის ქირის ანგარიში დამქირავებლის ხელწერილით, რომ მას ეს ანგარიში გამოეცხადა, ან სახლის სამოურაოს აღნიშვნით, რომ დამქირავებელმა უარი სთქვა ამ ხელწერილის მიცემაზე, ბ) სანოტარო ორგანომ აცნობა მდგმურს სახლის სამოურაოს განცხადება და გ) მდგმურმა ორი დღის განმავლობაში დღიდან შეტყობინებისა არ წარადგინა ცნობა, რომ დადგენილ ვადაზე სასამართლოში აღძრულია დავა ბინის ქირის რაოდენობის წინააღმდეგ.

საქ. სსრ ს. კ. ს-ოს თავმჯდომარის მოადგ. ბ. აღნიაშვილი.

საქ. სსრ ს. კ. ს-ოს საქმეთა მმართველის მოადგ. გ. თათეიშვილი.

1932 წ. მაისის 23.

ტფილისი.